

## KES 1MDB

# Tanggung bicara Najib

**Kuala Lumpur:** Perbicaraan kes rasuah Datuk Seri Najib Razak membabitkan 1Malaysia Development Berhad (1MDB) yang dijadualkan hari ini ditangguh sekali lagi berikutan lanjutan Perintah Kawalan Pergerakan Bersyarat (PKPB).

Timbalan Pendakwa Raya Ahmad Akram Gharib memberitahu mahkamah menetapkan 14 hingga 17 Disember untuk menyambung semula perbicaraan yang sepatutnya berlangsung hari ini hingga 12 November di hadapan Hakim Mahkamah Tinggi Collin Lawrence Sequerah.

“Kami dimaklumkan tarikh baharu perbicaraan oleh Timbalan Pendaftar Mahkamah Tinggi Farah Azura Mohd Saad melalui e-mel pagi ini (semalam),” katanya.

Apabila perbicaraan disambung semula, pihak pembelaan dijangka meneruskan soal balas ke atas bekas Ketua Pegawai Eksekutif 1MDB, Mohd Hazem Abdul Rahman.